

Seyni chij-potuko rupxaka wa klata-mkolu.  
Kachikler-getkokni wale.

Giyagni wale ginaple wapokamtinitka,  
wjemlu kachikleru ptsotsotaji. Wane pnute  
ptsotsotaji kojwaka-nshinikanutwu wunnipgya-  
ya. Giyagni renekwuna kannipgyalu kosetika-  
luru. Waneklu-yakawa njemlu wa ruya-  
lek-nanwakamtyano. Gi rixanu gemetaanalulu  
pixka rixa nonanwaka. Wane wuknogamtyatka;  
kigle-nshinikanu-mnutkawu.

Wane yinuwakamtyatka magka powral-potka-  
katka. Ga wa rapuko-mta ksatu pixka rixa.  
Klatataanalulu wa tsru ksatu pixka. Seyni wa  
magka chiji-mta rawa wane gwachine gitakle-  
kaka. Maleshni gonu, gi wa rapgako. Satu-  
pjeru wa jito-tlaplena. Wane getko yapgaje-  
ta wa gonu. Wane pnute wetlu wa sankaka pso-  
chratajkaka. Wa teno wetamtya-waklu. Ga wa  
gipjina gi wa pgujkak-potlu. Gaxawripa-pji

Prachi pixka rixna. Seyni mpuratkoni. Wa  
mturu salwaganatachri yenetanatlu satu. Gewi  
potuyako ruylak-piratlu. Namatanata wale.  
Raluka yogloletlu gijriya wa yineru. Giyagni  
gita getya-waklu gi pguta prachni. Makakta  
gike. Seyni gowuk-shini ralnamtatka. Wane  
pnute waneko rapokatnaka satutnaka. Waleni-  
kta sotlu ruyla-jixityana. Pa sreta-pje so-  
tlu ruyla-jixityana. Pa sreta-pje tunwatya-  
natka.

Giyagni wane pnute wsatokatka. Gi wa  
gayapamtia-waka wsatokyatka. Pnu sretako  
wsatokyatka, wa magka sreta yap-gapotia-waka.  
Wane wetamtyatkalu magka potukokta jigloka-  
pnatyachri. Wane potu-nanuko wjiglokamtyana.  
Penute wushpakamtia.

Wane gayapamtatka; wetamtanro chij-yapa-  
chroni gijrukachrona. Tutwatganatana wa ka-  
sureru mkojekta tanikni, wa niikaluru surka-

Wane pnute wetlu wa kajine getkoko  
kamrutanrutka, wa Ginkane yaglu. Wane potu-  
kokta rix-kamruretluna. Wan-gixachrikta  
Ginkane-mkal-potnikta yoshmakna. Sagyeta-  
kta waneylu, rutnu-tsale. Chokore-je kashi-  
cha. Kakigima-ksujektalu, wane pnute  
yoshmak-jixrekta waneylu.

Wane wushpakyatnaka. Pa gruko wjiglo-  
katnaka. Wane wetamtyatkalu jiwchi-swagka-  
ka, wa gapchikaka. Gi pshin-gapkaka-nanni-  
ktana. Wane pnute wa pimri jiwu kajiwu-  
tskakaktawalu wale.

Wane pnute maleka wetyalu salwugapre-  
kakna, kolwixwa, ga wa kanojerna, ruylale-  
waprekak-getko-nanna, gi mturujkakakni.  
Tsuru yinerun-getkonitkani.

Wane pa gruko wjiglokamtyatnaka. Wane  
wetyatnaklu ptowru-nanuka, tampora yaglu,  
kamrutanruna, ga wa chirimoya yaglukta ka-

rapukote rutaklewjetna. Ga wa yospak-chi-  
jiinatya-waka wane koxakta rutaklewjetna.  
Koptekjetaktaluna wa sotlukaka. Wanekta  
rutakluna pa gixankaka, wa sotlu-tkomkaka.

Wane pnute wane wuknogamtyatka; weta-  
nanumtlu yowuma-ksukaka, wa rutanga-ksutya-  
wakakta. Gi pa teno-mriji-nanuko ruyaka-  
ksujetyakta, wa gimta chiji wa rapga-spu-  
wnam-potuko. Wale gima kosegatyalyuna gonu.  
Pnu-mnu wetananumtyalu wale pixkalutkaka.

Wane pnute wetananumtna wa Kechwane  
chinkalune. Kna-pji-ptajitaa rixna psol-ga-  
poko. Wale psol-gapoko nikata-pjitna.

Wane wushpakamtyatka; wapokamtlu Cha-  
klakayo chiniko-waka. Wanekta rawa yimakle-  
watiko-waka koxa. Wane netamtyana wa mturu-  
ne marchakakiko-wakna. Yimakanatna wa yima-  
kjerna.

kanawa yapachine. Seyni gi wa wixa kanawate  
pixka tixa. Wanek-gajeroktani, tsru we-  
nuk-gapni. Giyagni pumlu pixka rixa ganikga-  
letlona. Seyni gi pa teyaakaknina.

Wane pnute wetatnaklo motoro wgene.  
Wa jpiro pixkaloto. Roo-gako yapachronatka.  
Gi pa teyakanamuktalo.

Wane pnute wetlo tsro waporu gimxika-  
chrona. Gitok-ganaktatkalo. Tujpaganakta-  
tka. Totskigi-pjenatkani. Shima gemronata-  
nro.

Giyagni wsatokatka. Wutspaka. Wkani-  
kamtatnaka. Chiji gayapanatatnaka wanga  
wnaga. Wetjenatlu pa gixankaka wa waporu-  
tlo gajeru. Gi tixanu gwi-potuko tupxak-tse-  
jitata. Wanenwa yine koxa, girukowatachine.

Wane pnute wetna tsru tore kamrutachi-  
ne. Gi pa teno-nanuktalu. Wanenwa yine te-  
no, wa kamrurewatchine. Mturune pixka

rixanatna, teno rawya-wakna. Wa yowuma-chrapkaka ratskokakjetna wa makinaya. Wane pnute kawo-tsa yowuma-tsa kosepowatyaluna wa yowumkaka. Gi gepikna wa yine kamrurewa-tachine, teno ga wa chij-koxa.

Wane wsatokyatka; wetatnaklu tsru yowuma koshchekachri. Wane pnute wetlo wa "tren" pixkaloto, wa geju gipakachro. Gi gepika yoklero. Tkowinanumta. Gi-tsro kowne gimakni.

Wane pnute wetlu wa solalo wa teno gwachri. Gikta rixa; ruprojtanata. Teno rawya-waka. Wantira kashicha gepnokakamyoya. Giyagni yokgijtata wa wantiraya, tsru wenu sretaya wane pnute tsru pokchi sretaya. Ga wa chiji sreta yokgijtata. Gikta china; wa gimatachine gimat-jemlu. Wa rapuko rawanata satu. Wale yopukganatlu wa teno gwachri yokgijtatya-waka. Giyagni